



Rekompensa pa dunadó di informashon

Dia 5 di mei 2013 a mata Helmin Magno Wiels na pir di Marie Pampoen. E.R.K. a keda sentensia pa medio di veredikto di 29 di ougùstùs 2014 pa e asesinato aki. Den e veredikto wes a stipulá ku E.R.K. a risibi pago pa e asesinato aki. E veredikto aki a keda konfirmá dor di Korte di Apelashon den su veredikto di 20 di febrüari 2015.

Den e investigashon Maximus ta investigando entre otro ken a duna ordu pa e asesinato. E sospecho ta ku esnan ku a duna ordu a rekurí na dos entermediadó ku a usa E.R.K. pa ehekutá e asesinato. Tambe tin e sospecho ku e dunadonan di ordu a paga un montante grandi na e dos entermediadornan. E investigashon Maximus ta dirihi su mes pa e motibu aki tambe riba e fluho di plaka rondo di e diferente sospechosonan.

Probablemente E.R.K. a risibí djies un parti chikitu di e total di plaka ku a ser pone disponibel. Mayoria di e sobrá plaka a keda serka e entermediadornan. Den kuadro di e investigashon ta hopi importante pa determiná serka ken e sobrá plaka a keda of a keda alohá atualmente.

Fiskal Mayó di Ministerio Públiko (OM) di Kòrsou a disidi pa pone disponibel un rekompensá na e persona of personanan ku ta pone OM riba e kaminda pa rastrea e plaka i pa konfiská esaki. E altura di e rekompensa ta 50 % (sinkuenta porsiento) di e plaka ku finalmente keda konfiská a base di e tip(nan). Mester por determiná ku ta plaka ku a keda pagá pa e asesinato.

Esnan ku tip por tuma kontakto ku polis via e liña di telefòn anonimo 108.